



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 10/01/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Immigratioun an Asyl & Famill an Integratioun weiderzeleeden.

A ville Gemenge sinn iwwert déi lescht Joer nei Strukturen opgaange fir Demandeurs a Beneficiaires de protection international (DPI a BPI) en Ënnerdaach ze bidden. Obwuel et all BPI fräisteet sech eng eege Wunneng ze sichen, soubal de Status als unerkannte Flüchtling ausgestallt gouf, mussen vill Betroffene an den öffentleche Strukturen bleiwen, well si um lëtzebuergeresche Wunnengsmaart kee bezuelbare Logement fannen.

An deem Zesammenhang wéilt ech de Ministeren dës Froe stellen:

- Wéi vill DPI a wéi vill BPI hunn – opgeschlësselt no Gemeng a Joer – säit 2015 an esou enger Struktur gewonnen? Wéi vill DPI a wéi vill BPI hunn op den 1. Januar 2019 – opgeschlësselt no Gemeng – an esou enger Struktur gewonnen?
- Ween ass – opgeschlësselt no Aariichtung – de Gestionnaire vun de jeeweilege Strukturen?
- No wéi enge Kritäre ginn d'DPI op déi eenzel Strukturen verdeelt?
- Wéi vill Loyer muss en BPI am Duerchschnëtt – opgeschlësselt no Aariichtung – fir seng Ënnerbréngung bezuelen?

Mat déiwem Respekt,

CLEMENT Sven
Député